

ՄԱԿԱԿԱՆ
ԳՐԱԴԱՐԱՆ



ՀԵՆԶԵԼԻ ՈՒ ԳՐԵՏԵԼԸ

835

9 - 91

Թիր 9

ԱՆՏԱՌԻՆ ՏԵՂԱՐ
ԳՈՐԾԵ

14-8

10



06 AUG 2010
- 6 NOV 2011

„ՄԱՍԻՍ“ ԿԸ ՆՈՒԻՐԵՆ

ՊՈՒԲՐԵՑԵՆ

Պրն. Գր. Հալածեան — 1 տարուան, Մուսուլի հայ վարժարանին
» Մեսցելի — » » Գէորգ Յովհաննէսեանի (Պուքրէշ)

835

9-31

«ՄԱՍԻՍ» Ռ-ՀԱՅ ՀՐԱՏ. ԱՆԱՆ. ՀՆԿԵՐՈՒԹԻՒՆ
ՄԱՆԿԱԿԱՆ ԳՐԱԴԱՐԱՆ ԹԻՒ 9

ԳՐԻՄ ԵՂԲԱՑՐՆԵՐ

ԲԱԺԱՆՈՐԴԱԳՐՈՒԹԻՒՆ ԵՒ ՀԱՏԱՎԱՁԱՌ
ՌՈՒՄԱՆԻՈՑ ՄԷՋ ԴԻՄԵԼ

ՊՈՒԲՐԵՑ: a) «Մասիս»ի քարտուղարութեան՝ B-dul Maria, 8 ժ. 5-8-ը
բ) «Արագ»ի և «Հայ Մամուլ»ի խմբագրութեանց
գ) Պ. Յ. Յ. Ճգնաւորեանի B. P. 489

ԳՈՆՍԵՐՈՒՑՔ: Պ. Արաքն Ֆելիքրմէնմեանի Str. Stefan cel. Mare, No. 60

ՊԱԶԱՐՃՐԻ: Պ. Նազարէթ Դազադեանի Str. Alex. Ion Cuza, No. 38

ՄԻԼԻՍՏՐԱ: Պ. Խաչատուր Եգանեանի Str. Gen. Istrate, No. 8

ՓԼԱԼԵՑ: Պ. Նշան Մականեանի Str. Pantofari, No. 6

ԿԱԼՈՑ: Պ. Ա. Միսաքեանի Str. Sf. Spiridon No. 28

ԳՈՐԾԸ

ՀԵՆՁԵԼՆ ՈՒ ԳՐԵՏԵԼԸ

ԱՆՏԱՌԻՆ ՏՆԱԿԸ




Տպարան „Ասրօփա“ Ե. Սարգսեանի
Բիբեռ Լուսիքան 14 Պուլքութե

1935

„MASIS“
SOCIETATE ANONIMA DE EDITURA
CAPITAL SOCIAL LEI 500.000

SEDIUL — BUCUREŞTI — B-dul MARIA No. 8 Etaj II



Գ Ո Ր Տ Ը

Ժամանակին թագաւոր մը կ'ըլլայ : Այս թագաւորը՝ մէկը միւսէն գեղեցիկ քանի մը աղջիկ կ'ունենայ , բայց փոքրը ամէնէն գեղեցիկը կ'ըլլայ , այնքան գեղեցիկ , այնքան շարմաղ որ չուտես չխմես կենաս երեսը նայիս :

Թագաւորի պալատին քովը անտառ մը կ'ըլլայ , իսկ այդ անտառին մէջ , հին լորենիի մը ասակ՝ ջրհոր մը : Այս սիրուն աղջիկը սովորութիւն կ'ունենայ՝ ամէն օր երթալ այն զովասուն տեղը խաղալ ջրհորին քով , իր ոսկի գնդակը վեր կը նետէ կը բռնէ : Օր մըն ալ խաղացած ատեն շատ բարձր կը նետէ գնդակը որով չկրնալով զայն բռնել , գնդակն է կը խուսափի ձեռքէն և կ'իյնայ ջրհորը : Վերէն կը դիտէ , բայց ջրհորը անյատակ կ'երեւայ իրեն : Կը սկսի աղի արցունք թափելով լալ : Լացած միջոցին ձայն մը կուգայ , թէ ,

—Ի՞նչ կայ որ այդպէս դառն կուլաս , թագաւորի՝ աղջիկ :



Աղջիկը ուշադրութիւնը ձայնին կողմը դարձը-
նելով կը տեսնէ ահազին գորտ մը որ ջրհորի շր-
թունքին վրայ նստած կը խօսի : Կը զարմանայ և կ'ըսէ .



— Գորտ աղբար , գնդակս հորն ինկաւ խաղա-

ցած ատենս , անոր համար կու լամ :

— Հոգդ , ատ ալ լալու բա՞ն է , որ նստեր
կու լաս : Ի՞նչ կու տաս եթէ գնդակդ հանեմ հորէն :

— Ամէն բան կու տամ , իմ բոլոր զարդերս ,
անզին քարերս , ոսկիէ թագս՝ հերիք է որ հանես սի-
րուն գնդակս :

— Ես պէտք չունիմ քու զարդերուդ , անզին
քարերուդ , մարգարիտներուդ ու ոսկիէ թագիդ : Զեմ
ուզեր : Տարբեր բան՝ եթէ սիրէիր զիս և այնպէս սի-
րէիր որ անբաժան ըլլայինք շարունակ իրարմէ , քեզի
հետ միասին սեղան նստէինք , միեւնոյն ամանէն ու-
տէինք , նոյն բաժակէն խմէինք և միասին քնանայինք
մէկ անկողնի մէջ : Եթէ կը խոստանաս այս ըսած-
ներս , անմիջապէս կ'իջնեմ ջրհորը և կը հանեմ գըն-
դակդ :

— Շատ լաւ , ինչ որ կ'ուզես բոլորն ալ կը¹
խոստանամ , միայն թէ բերես գնդակս , ըսելով խօսք
կու տայ թագաւորին աղջիկը , միեւնոյն ատեն միտ-
քէն անցնելով թէ — «Նայէ , ինչեր կը պահանջէ սա
տիմար կըրկւացողը , գնա՛ , կորառէ ջրհորին մէջ և
այստեղէն կըրկուալդ նայէ , դռն ո՛վ , մարդու հետ
ընկեր եղողը ո՛վ ...»:

Գորտը , աղջկան այս խոստումը իմանալուն
պէս կը սուզուի ջրին տակ , կ'առնէ գնդակը և բերելով
կը գլորցնէ կանաչ խոտերուն մէջ : Աղջիկը կը յարձա-
կի անմիջապէս և գնդակը յափշտակելով ուրախ
գուարթ ցատկրտելով կը վագէ դէպի տուն : Գորտը
կը կանչէ ետեւէն ,

— «Կեցի՛ր , զիս ալ տար հետդ ... ես չեմ կըր-
նար վաղել քեզի պէս ...»

Աղջիկը ետեւ անզամ չի նայիր և առանց գոր-

տի մասին մտածելու կը մտնէ հօրը պալատը : Գորար
ջրհորին վրայ կեցած կը նայի ու կը նայի աղջկան
ետեւէն :

Միւս օրը, երբ թագաւորին աղջիկը իր հօրը
պալատականներուն հետ ճաշի նստած կը սկսի ուտել
իր սակիէ պնակին մէջէն, մէկը չըլըփ, չըլըփ, մար-
մար սանդուխներէն վեր կ'ենէ ու դուռը ճանկոտե-
լով կը կանչէ — «Թագաւորի պատիկ աղջիկ, դուռը
բաց...» Թագաւորին աղջիկը վագելով կ'երթայ տես-
նելու համար թէ ով է զինքը կանչողը : Դուռը կը
բանայ, ի՞նչ տեսնէ աղէկ, գո՛րտ մը, կեցած առ-
ջեւը : Անմիջապէս կը հրէ կը գոցէ դուռը և կու գայ
կը նստի տեղը՝ վախցած :

— Ի՞նչ եղաւ, աղջիկս, ի՞նչէն վախցար այդպէս ։
Չըլայ թէ գեւ մը եկած դրան առջեւ կեցած ըլլայ
քեզ վախցնելու համար, հարցուց թագաւորը աղջկան :

— Ոչ, դեւ չէ, հայրիկ, գորտ մըն է ան-
ձոռնի :

— Գո՞րտ, ի՞նչ բան ունի գորտը քեզի հետ :

— Գիտես, հայրիկ... երէկ կը խաղայի ան-
տառին մէջ ջրհորին քով, յանկարծ հորն ինկաւ ոսկիէ
զնդակս... Ես կու լայի... Գորտը զնաց ջրէն հանեց
զնդակս... Եւ որովհետեւ իր այդ աշխատութեան փո-
խարէն կ'ուզէր անպատճառ խաղընկեր ըլլալ հետս,
ես ալ խոստացայ... Բայց բնաւ չէր անցներ մտքէս
թէ գորտը կրնայ իր ջրհորը թողուլ և ետեւէս գալ...
Բայց եկեր կեցեր է դրան առջեւ և կ'ուզէ քովս գալ :

Գորտը սակայն, կը ճանկոտէր դուռը և կը
կանչէր .

Շարմաղ աղջիկ, դուռը բաց
մոռցա՞ր, ի՞նչ ես խոստացած

լիշէ՛, ջրհորն անյատակ,
գընդակը ոսկի, անապակ,
անկումն անոր՝ ջրին մէջ,
արցունքդ աղի, լացդ անվերջ :

Ազնիւ սըրտին չի վայլեր
ուխտն ու խոստումը դրժել,
խօսք ես տուած, կատարէ՛,
եթէ սիրտդ արդար է :
Շարմաղ աղջիկ, դուռը բաց
մոռցա՞ր, ի՞նչ ես խոստացած :
— Քանի որ խօսք ես տուած գնա՛, բա՛ց դու-
ռը, ըստ թագաւորը աղջկան :



Աղջիկը կ'երթայ դուռը կը բանայ : Գորտը հոփի ,
հոփ ցատկելով ներս կը մտնէ և աթոռին մօտենալով
կը կանչէ .

— Վեր վերցուր և քովդ նստեցուր զիս :

Աղջիկը մտքին մէջէն շատ կը նեղանայ , կը
վարանի պահ մը , բայց որովհետեւ թագաւորը պատ-
ուիրած է որ ընէ գորտին բոլոր ըսածները , որով
աղջիկը վեր կ'առնէ գորտը , կը նստեցնէ աթոռին
վրայ : Բայց հազիւ այդ բանը ըրած , գորտը կը պա-
հանջէ որ մօտեցնէ ոսկիէ պնակը որպէսզի ուտեն
միասին , կը հնագանդի խեղճ աղջիկը և կը մօտեցնէ
պնակը :

Գորտը , ուտել , խմելէ կշտանալէ վերջ կ'ուզէ
որ աղջիկը իր ննջասենեակը տանի զինքը որպէսզի
միասին քնանան միեւնոյն անկողնին մէջ : Աղջիկը
այլեւս չկընալով հանգուրթել կ'սկսի լալ . ինքը որ չէր
ուզեր նոյնխակ դպիլ պաղ և լպրծուն գորտին , պժգա-
լով անկից՝ հիմա պէտք էր տաներ և պառկեցներ զայն
իր գեղեցիկ և մաքուր անկողնին մէջ : Ճար չի կար
սակայն , հայրը առաջուրնէ աւելի կը բարկանար :
«Պէտք չէ արհամարել ա՛յն , որ նեղ օրիդ օգնած է
քեզի» կ'ըսէր թագաւորը :

Աղջիկը ստիպուած , երկու մատով գորտին
մէջքէն բոնելով կը տանի ննջարան ու կը զնէ ան-
կիւն մը : Բայց եկուր տես որ գորտը չի բաւականա-
նար ասով , աղջիկը հազիւ անկողին մտած՝ գորտը
ցատկելով ցատկելով կը մօտենայ մահճակալին և կը
ոկսի խօսիլ ճըգտալով , թէ .

— «Ես ալ յողնած եմ . . . ես ալ քուն ունիմ ,
զիս ալ չպառկեցնե՞ս քեզի հետ . . . »

Այնպէս մը կ'ըսէ որ աղջկան սիրտը կը շարժի ,

և բոնելով կը զնէ անկողնին վրայ : Հազիւ թէ անկո-
ղին մտած , գորտին մորթը կը պայթի և մէջէն գե-
ղեցիկ երիտասարդ մը կ'ենէ դուրս ու կը նստի աղ-
ջկան քով : Կը նստի և կը պատմէ՝ զարմացած աղ-
ջկան՝ թէ ինքը թագաւորի մը տղան է եղեր , չար
կախարդը գորտ է դարձուցեր զինքը , հիմա ընդուն-
ուելով աղջիկէն կրկին առեր է իր մարդկային կեր-
պարանքը :

Աղջիկն ու երիտասարդը ու թախացած կ'երթան
թագաւորին քով և կը պատմեն բոլորը , թագաւորն
ալ ուրախացած մեծ հարսանիք սարքելով կը պսակէ
զանոնք :

Հարսանիքէն յետոյ , նորապսակները կը պատ-
րաստուին երթալ թագաւորին տղուն հայրենիքը : Ա-
ռաւոտուն կանուխ պալատին դրան առջեւ կը կենայ
ութը ձիերով լծուած կառք մը . ձիերուն գլուխները
գարդարուած էին ճերմակ ջայլամի փետուրներով ,
կառքին կազմածները ամբողջ ոսկեղին , իսկ կառքին
ետեւը կեցած թագաւորի տղուն հին ծառան հաւա-
տարիմ Օհանը : Ու այդպէս իր հաւատարիմ Օհանը
ետեւը , գեռատի հարսը քովը , թագաւորի տղան կը
ալանայ դէպի հայրենիք :


Շատ կ'երթան թէ քիչ , մէկ մ'ալ յանկարծ ճամ-
քուն մէջ ձայն մը կու գայ ականջին , կը կարծէ թէ
բան մը կոտրուեցաւ կառքին ետեւը , որով ետ կը
դառնայ և կը հարցնէ Օհանին .— Կոտրեցա՞ւ արդեօք
կառքը :

Հոգ մի ըներ , բան չի կայ ,
սրտիս կապն էր անիկա ,
շղթան երկաթ ամրահիւս
որ պայթեցաւ այս պահուս :

Այն օրն եկաւ զիխուս ձիւն
Երբ գորտ դարձար լըպրծուն,
սիրաս ուժգին կապեցին,
և զիս թողին առանձին :

Փառք Աստուծոյ, ալ հիմա
այդ ամուր շըլթան չի կայ,
ազատուած և երջանիկ,
պիտի հասնիմ հայրենիք :

Եւ կը սուրար, չորս զոյգ ձիերով լծուած կառքը
դէպի մայր երկիր, անոր կարօտին տանելով երջանիկ
զոյգն ու երջանկացած Օհանը :



ՀԵՆԶԵԼՆ ՈՒ ԳՐԵՏԵԼԸ

Մեծ անտառի մը եզերքը կ'ապրէին աղքատ
փայտահատ մը ու իր կինը : Երկու զաւակներ ունէին,
մէկը մանչ՝ չենզել անունով, իսկ միւսը աղջիկ՝ Գրե-
տել անունով :

Արդէն չքաւոր էին անոնք, իսկ երբ սղութիւն
ըլլար աւելի կը նեղուէին և չէին կրնար ճարել նոյ-
նիսկ իրենց օրուան հացը :

Օր մըն ալ, փայտահատը, անկողնին մէջ պառ-
կած ատեն կը մտածէ կը մտածէ, մտահոգութենէն
ասդին անդին կը դառնայ, և վերջապէս կ'ըսէ կնոջը :

— Ինչպէս պէտք է ընենք, կնի՛կ. բան մը
չունինք բնաւ, ի՞նչով պիտի պահենք այս տղաքը :

— Ես կ'ըսէմ որ, պատասխանեց կինը, առտուն
մութնու լուսուն տղաքը առնենք անտառին խորը
տանինք, կրակ վառենք հոն, տղոցը ձեռքը մէյմէկ
կտոր հաց տանք, յետոյ այնտեղթողլով զանոնք, մենք
գանք մեր գործին : Տղաքը ճամբան չեն կրնար գլու-
նել, կը կորսուին և մենք ալ կ'աղատինք :

— ԶԵ՛, կնիկ, կը պատասխանէ փայտահատը, ևս չեմ կրնար իմ ձեռքովս զաւակներս տանիլ ու թողուլ անտառը, իմ սիրոս չի տանիր այդ բանը, հապա եթէ գագանները պատառեն զանոնք :

— Յիմա՛ր մարդ, կ'ըսէ կինը, ըլլայ չըլլայ չորսս ալ պիտի մեռնինք սովէն, այն ատեն զնա՛ տախտակ տաշէ գագաղներու համար . . . Ու հանգիստ չի ձգեր մարդը մինչեւ որ կը համոզէ զայն :

— Բայց կը մեղքնամ խեղճ տղաքը, կ'ըսէ փայտահատը կնոջ հետ համաձայնելէն յետոյ : Իսկ տղաքը որոնք անքուն մնացած էին անօթութենէն՝ կը լսեն իրենց խորթ մօրը ըսածները :

Գրետելը, դառն կերպով լալով, կ'ըսէ Հենգելին՝

— Կորած ենք մենք, Հենգել :

— Չայն մի հաներ, Գրետել, կ'ըսէ Հենգելը, հոգի մի ըներ, ես գիտեմ ասոր ճարը :

Եւ ահա, մեծերուն քունը տանելուն պէս, Հենգելը կ'ելէ կը հագուի, դուռը կը բանայ կամաց մը և կը սպրդի փողոց : Լուսինը պայծառ կերպով կը լուսաւորէր իրենց տան առջեւ ցրուած խիճերը որոնք արծաթ դրամի նման կը փայլէին լուսնին տակ : Հենգելը կը ծոփ ու որքան որ կարելի է իր գրպանը կը լեցնէ այդ քարերով, յետոյ տուն վերադառնալով կ'ըսէ Գրետելին :

— Հանգիստ եղիր, քոյրիկ : Քնացիր, Աստուած կը պահէ մեզ, ըսելով նորէն կը պառկի անկողինը :

Աստուն, լոյսը բացուածին պէս, խորթ մայրը կու գայ կ'արթնցնէ տղաքը :

— Շուտ ելէք, ծոյլե՛ր, պատրաստուեցէք որ

անտառը երթանք փայտ բերելու : Յետոյ ամէն մէկին ձեռքը մէյմէկ կտոր հաց տալով կ'ըսէ.

— Սյս հացը կէսօրուան ճաշին համար է, չըլլայ որ ուտէք կէսօր չեղած, ետքը կը մնաք առանց հացի, որովհետեւ ուրիշ հաց չունինք այլեւս :

Գրետելը գրպանը կը դնէ հացերը, որովհետեւ Հենգելին գրպանները բերնէ բերան լեցուած էին քարերով : Յետոյ միասին կ'երթան դէպի անտառ :

Քիչ մը առաջանալէն յետոյ Հենգելը կը կենայ և կը նայի ետին՝ դէպի իրենց խրճիթը, և այսպէս հետզհետէ ամէն քան քայլափոխին ետ մնալով կը շարունակէ դիտել բացուած տեղը, միշտ ետին դառնալով :

— Հենգել, ինչո՞ւ այդպէս կը կենաս, կը կենաս ետիդ կը նայիս, յօրանջելու ժամանակ չէ, երերցուր քիչ մը ոտքերդ, աճապարէ :

— Մեր ճերմակ կատուն կը դիտեմ, հայրիկ, այնտեղ տանիքին վրայ նստած կարծես թէ վերջին «մնաս բարով»ը կ'ըսէ մեզի : Խորթ մայրը, կը կտրէ անմիջապէս ըսելով . . . Մեր կատուն չէ անիկա, ապուշ, տանիքին վրայի ճերմակ ծխնելոյզն է որ կը փայլի արեւուն տակ : Հենգելին մտքէն անգամ չէր անցներ տանիքին նայելը, ան ետ կը դառնար, իր գրպանի ճերմակ քարերը ցանելու համար ճամբուն վրայ :

Անտառին խորը համելնուն պէս՝ կ'ըսէ հայրը .

— Հիմա փայտ հաւաքեցէք, տղաք, որ կրակ վառեմ ու տաքնաք : Երկու տղաք փայտի կտորներ ու ցախեր հաւաքելով կը դիզեն, հայրը կը բոնկցնէ փայտակոյտը ուրկից վեր կը բարձրանայ բոցը : Խորթ

մայլը ձեռքերը կրակին մօտեցնելով իրարու շփելէ
վերջ կ'ըսէ փոքրիկներուն .

— Դուք կրակին քովը պառկեցէք հանգստացէք ,
մենք ալ երթանք քիչ մը անդին փայտ կտրենք , յե-
տոյ գանք ձեզ առնենք ու միասին երթանք տուն :

Հենզեն ու Գրետելը կը նատին կրակին քովը ,
իրենց գրպաններու հացի կտորները կ'ուտեն : Հե-
ռուէն եկող կացինի ձայնը կ'ապահովցնէ իրենք զի-
րենք թէ հայրենին այն կողմերը փայտ կը կտրէ ,
մինչդեռ կացինի ձայն չէր եկածը , այլ այն կոճղինը որ
փայտահատը կախած էր ծառէն որպէզի հովին երե-
րալով ծառին զարնուի և տապարով փայտ կտրելու
ձայնի տապաւորութիւնը տայ լսողին : Ու տր-
դաքը այսպէս երկար ատեն նայելէ վերջ յոգնութե-
նէն՝ ինքնաբերաբար կը գոցուի աչքերնին և կը մըտ-
նեն խորունկ քունի մէջ :

Մէկ մըն ալ կ'արթննան կը տեսնեն որ խաւար
գիշեր է եղած :

— Ինչպէս պէտք է դուրս երնենք այս անտա-
ռէն , Հենզել , կը հարցնէ Գրետելը սարսափած :

Հենզելը սիրտ կու տայ լսելով .— Կեցիր քիչ
մը հիմա լուսինը կ'ենէ և մենք անոր լրցով կը տես-
նենք ճամբանիս :

Լուսինը ցաթածին պէս Հենզելը քրոջը ձեռքը
բռնելով կ'երթայ ուշադիր իր ցանած քարերուն ո-
րոնք արծաթ գրամներու պէս պսպղալով ցոյց կու-
տային տանը ճամբան :

Այսպէս ամբողջ զիշերը քալելով լուսաբացին կը
հասնին իրենց տունը : Դուռը կը զարնեն , խորթ
մայլը կը բանայ՝ գարմանալով թէ ինչպէս է եղեր որ
զիշերով այդ երկու մանուկները կրցեր են զտնել

տանը ճամբան , և տղաքը ներս առնելով կ'ըսէ ա-
նոնց .— Այս որչա՞փ քնացեր էք անտառին մէջ , ան-
պիտաններ , մենք ալ կարծեցինք որ դուք չէք ու-
ղեր գալ տուն :

Իսկ հայրը կ'ուրախանայ , որովհետեւ սիրար
կը ճմլուէր իր զաւակները միս մինակնին անտառը
մնացած ըլլալուն համար :

Քիչ մը ժամանակ անցնելէն յետոյ նորէն սով
կը տիրէ այնտեղ , և նորէն տղաքը կը լսեն զիշեր մը
իրենց մօր ըսածները , թէ — Մարդ Աստուծոյ , ու-
նեցածնիս չունեցածնիս կերանք , կէս հաց միայն
մնաց , իսկ երբ ան ալ հատնի՝ մեռած ենք այլեւս :
Ճար չի կայ , պէտք է հեռացնենք այս տղաքը տու-
նէն : Տանինք անտառը , այս անգամ աւելի խորը
որպէսպի ճամբայ չգտնեն և չգան :

Այս խօսքերը քարի պէս կը ճնշեն հօրը սիր-
ար , կը մտածէ , կ'ուղէ իր կերած պատառ մը հա-
ցէն միշտ բաժին հանել զաւակներուն : Բայց կինը
հայհոյանք ու նախատինք կը թափէ էրկանը գլխուն
և կը ստիպէ որ անպատճառ հեռացնէ տունէն այդ
փոքրիկները : Որովհետեւ անգամ մը այբն ըսած է
բենն ալ պիտի ըսէ անպատճառ , և որովհետեւ ան-
գամ մը հնապանդած էր կնոջ այլեւս նոյն բանը ը-
նելէ ուրիշ ճամբայ չունէր խեղճ մարդը :

Բայց եկուր տես որ տղաքը արթուն են եղեր
և այս բոլոր խօսակցութիւնները կը լսեն եղեր : Հա-
զիւ թէ կը քնանան մեծերը , Հենզելը անկողնէն
կ'ենէ , կ'ուղէ առաջուան պէս երթալ դուրս և զըր-
պանները լեցնել ճերմակ խիճերով բայց , այս անգամ
խորթ մայլը դուռը կզպած ըլլալուն համար չի կըր-
նար դուրս ելնել , սակայն չի յուսահատիր բնաւ և

կ'աշխատի ամէն կերպով սիրտ տալ իր փոքրիկ քրոջը:

— Մի՛ լար, սիրելի Գրետելս, հոգի մի՛ ըներ, քնացի՛ր հանգիստ, Աստուած ողորմած է և մեղ չի կորսնցներ բնաւ:

Նորէն անցեալ անգամուան պէս խորթ մայրը առոտուն շատ կանուխ կու գայ կ'արթնցնէ տղաքը, ամէն մէկուն մէյմէկ պատառ հաց կու տայ՝ այս անգամ աւելի քիչ։ Դէպի անտառ գացած միջոցին չենզելը շարունակ կը փառքէ իր գրպանի հացը, միշտ ետ ետ մնալով կը ցանէ անցած ճամբուն վրայ։

Հայրը նկատելով չենզելի ետ մնալները կ'ստիպէ գայն որ շուտ քալէ քիչ մը։

— Ես իմ ճերմակ աղաւնիս կը դիտեմ, հայրիկ, նայէ՛, մեր տանիքին վրայ նստած կարծես թէ բարեւ կու տաւ մեղի։

— Յիմա՛ր, կը կանչէ մայրը, քու աղաւնիդ չէ բնաւ ան, չե՞ս տեսներ ճերմակ ծխնելոյզն է որ կը փայլի այդպէս արեւին տակ։

Իսկ չենզելը այդ միջոցին շարունակ ճամբուն վրայ կը թափէ իր գրպանի փշանքները։

Փայտահատն ու կինը տղաքը կը տանին անտառը այնպիսի խորունկ տեղ մը ուր չէին մտած բնաւ, հոն ալ կրակ կը փառեն և խորթ մայրը կ'ըսէ տղոց։

— Դուք նստեցէք այստեղ, և եթէ քուներնիդ գայ քնացէ՛ք տաքուկ կրակին քով, մենք ալ աւելի անդին երթանք փայտ հաւաքենք, իրիկունը երբ գործերնիս վերջանայ կու գանք կ'առնենք ձեղ և կ'երթանք տուն։

Ճաշի ատեն Գրետելը իր հացին կտորը կը բաժնէ չենզելի հետ, որովհետեւ չենզելը իր հացը փսորելով ճամբուն վրայ ցանած ըլլալուն համար հաց չունէր այլեւս։ Կ'ուտան, յետոյ իրարու փաթթուած կը քնանան կրակին քովն ի վեր։ Իրիկուն կ'ըլլայ բայց ոչ մէկը չի գար տղաքը տանելու։ Կ'արթննան կէս գիշերին, Գրետելը կ'սկսի վախէն լալ ու գողալ իր եղբօրը փաթթուելով, բայց չենզելը շարունակ կը խրախուսէ և սիրտ կու տայ իր քրոջ։

— Անուշիկ Գրետելս, մի վախնար, սպասէ մինչեւ որ լուսինը ելնէ, այն ատեն կ'երեւան ճամբուն վրայ ցանած հացի փշանքները մենք զանոնք տեսնելով տեսնելով կը գտնենք մեր տունը։

Լուսինը ցաթածին պէս ճամբայ կ'երեւն տղաքը դէպի տուն, բայց ո՛եւէ փշանք չեն տեսներ ճամբաներուն վրայ, ցորեկին թոշունները կերեր են բոլորը։

Չենզելը տեսնելով իր քրոջը սարսափը կը քաջալերէ գայն շարունակ ըսելով։

— Ինչ որ ալ ըլլայ կը գտնենք ճամբան, մի վախնար բնաւ, քանի որ հետդ եմ ես...։

Բայց ինչքան որ կը ճգնին չեն կընար գտնել ճամբան, կը թափառին գիշերը մինչեւ լոյս, յետոյ հետեւեալ օրը առտուընէ մինչեւ իրիկուն ասդին կ'իյնան անդին կ'իյնան չեն կընար դուրս ելնել անտառէն, սաստիկ կ'անօթենան, մորենիներուն վրայէն մորմ հաւաքելով կ'ուտեն։ Կը քալեն կը քալեն, ուտքերնին կը թմրի յոգնութենէն որով ծառի մը տակ պառկելով կը քնանան։ Նորէն գիշեր և նորէն առտու կ'ըլլայ, կ'երեւն ու կը քալեն բայց քանի երթան աւելի կը խորասուզուին անտառին մէջ և

պիտի կորսուէին ապահովաբար եթէ մէկը օգնութեան
չհամնէր իրէնց :

Կէս օրին, ծառի մը ճիւղին վրայ կը տեսնեն
ճերմակ սիրուն թոչուն մը : Այս թոչունը այնքան
սիրուն, այնքան քաղցր կ'երգեր որ տղաքը հմայ-
ուած կը կենան մտիկ կընեն այդ երգը զմայլան-
քով : Երգը աւարտած չաւարտած թոչունը կը թոփի
և տղոց քովէն անդին ուրիշ ծառի մը կը թառի ան-
միջապէս, տղաքը կ'երթան թոչունին թառած ծա-
ռին քով, ան տեղ կը փոխէ շարունակ, տղաքն ալ՝
ետեւէն, մինչեւ որ կը հասնին տնակի մը քով:
Թոչունը այս անգամ կը թառի տնակին վրայ իսկ
տղաքը կը մօտենան տնակին և կը տեսնեն որ ամ-
բողջովին հացէ շինուած է այդ փոքրիկ տունը, տա-
նիքը՝ կարկանդակէ, իսկ պատուհանները՝ թափանցիկ
շաքարէ :

— Այս լաւ եղաւ, Գրեաել, կ'ըսէ չենդելը, լաւ
մը կ'ուտենք, ես տանիքէն կ'ուտեմ դուն ալ պա-
տուհանէն :

Ու չենդելը կ'երկննայ դէպի վեր, կտոր մը
կը փրցնէ տանիքէն, Գրեաելն ալ կը ծոփի և կ'սկսի
ուտել պատուհանի շաքարի ապակին, յանկարծ սուր
ձայն մը կու գայ ներսէն :

— կը՛րծ, կը՛րծ, կը՛րծ, խը՛զ, խը՛զ, խը՛զ.

«Ո՞վ է այս տունս կրծողը» :

Տղաքը կը պատասխանեն .—

Ուժեղ հովն է որ այսպէս

կը փրցնէ կտորներ

իր մատներով մշտերեր :

Ծարաձընի հովն է ան՝

անհանդարտ ու անպիտան,

որ կը շարժէ ամէն հեղ
ինչ որ գտնէ վարն այստեղ :

Ու առանց կարեւորութիւն տալու տղաքը կը
շարունակեն ուտել : Հենդելին այնքան համով էր ե-
կած տանիքը որ մեծ կտոր մը փրցնելով կ'ուտէր
իսկ Գրեաելը ամբողջ ապակի մը լմնցնելու վրայ էր :

Մէկ մալ յանկարծ դոները կը բացուին և ծե-
րածեր պառաւ կին մը դուրս կ'ելնէ իր գաւաղանին
կոթնած : Հենդելին ու Գրեաելը այնքան կը վախնան
ու կը սարսափին որ ձեռքերնէն վար կը ձգեն իրենց
պատառները . իսկ պառաւը կը յառաջանայ գլուխը
երերցնելով :

— Վա՛յ, աղուոր տղաք, ով է բերեր ձեղ այս-
տեղ : Ներս եկէք, քովս եկէք, բան չեմ ըներ ձեղի,
մի՛ վախնաք :

Կրսէ ու ձեռքերնէն բռնած կը տանի մանուկ-
ները : Ներսը սեղան պատրաստելով նախաճաշ կու-
տայ անոնց, կաթ, շաքարով շինուած հաց, խնձոր,
ընկորդ, խնչե՛ր, խնչե՛ր : Յետոյ երկու անկողին կը
ձգէ, մաքուր, ճերմակ : Հենդելին ու Գրեաելը կը
պառկին, կարծես թէ դրախտին մէջն են պառկած :

Դուն մի ըսեր այս բարի և քաղցր ձեւացող
պառաւը չար կախարդ մըն է եղեր որ ամէն կերպով
տղոցը հետեւեր, զանոնք իրեն քաշեր, և դիտմամբ
հացէ տուն է շիներ որ գրաւէ տղաքը դիւրութիւ-
նով, իսկ ո՛եւէ տղայ անգամ մը իր ճանկը ձգելէն
վերջ, կ'սպաննէ, կ'եփէ, և կը լափէ եղեր, ահա
ատոր համար է եղեր իր ուրախութիւնը :

Կախարդներուն աչքերը կարմիր կ'ըլլան և չեն
կընար տեսնել հեռուները՝ գիշատիչ գաղաններուն
պէս : Ատոր փոխարէն չափաղանց հոտառու ըլլալով

հեռուներէն կ'առնէն անցնող մարդոց հոտը : Երբ
Հենգելն ու Գրետելը կը պատին անոր տնակին քո-
վերը կախարդը անոնց հոտն առնելով կ'ըսէ ինքն ի-
րեն չարախենդ ծիծաղով .

— Է ասոնք ալ ինկան ճանկս , ալ ազատելիք
չունին ձեռքէս :

Առտուանց մութն ու լուսուն , չար կախար-
դը , տղոցմէն առաջ կը ցատկէ կ'ելնէ անկողնէն և
երբ կը տեսնէ զանոնք այնպէս խաղաղ քնացած՝ լե-
ցուն ու վարդագոյն այտերով , կը մոլտայ ինքն ի-
րեն .

— Օ՛խ , ի՞նչ անուշ պատառներ են . . . :

Իր ոսկոս ձեռքերով կը բռնէ Հենգելը և քա-
շելով կը տանի կը ձգէ հաւնոցը , դուռը կը գոցէ ,
թողլով որ պոռայ ան որքան ուղէ : Յետոյ կ'երթայ
Գրետելին , կը հրէ կը հրմշտկէ , իր խոպոտ ձայնով
կանչելով .

— Ի՞նչ ես պառկեր , ծոյլ աղջիկ , շուտ ելի՞ր
գնա ջուր բեր և եղբօրդ համար համով բան մը եփէ :
Որսը հաւնոցն եմ դրեր պէտք է կերակրել որ լաւ
մը գիրնայ և ուտեմ գայն համով համով . . . :

Գրետելը լալ կ'ուզէ , բայց անօգուտ է լալը
որով առանց ձայնի կը կառարէ պառաւին հրաման-
ները , ու կ'սկսին համով կերակուրներ եփել Հենգե-
լին համար : Պառաւը այդ լաւ կերակուրները Հեն-
գելին տալէ յետոյ Գրետելին ալ բաժին կը հանէր չոր
սոկորներ միայն :

Ամէն առտու պառաւը հաւնոցին դրան առջեւ
կենալով կը կանչէ տղան .

— Հենգել , մատդ այս կողմ երկնցուր , տես-
նեմ գիրցեր ես թէ չէ :

Հենգելը մատին տեղ ոսկոր մը կ'երկնցնէր
միշտ պառաւին , իսկ պառաւը լաւ չտեսնելուն հա-
մար չէր կրնար հասկնալ և կը զարմանար թէ ինչու
չէ գիրցած Հենգելը :



Այսպէս չորս շաբաթ կ'անցնի բայց Հենգելը
կը մնայ միշտ նիհար , չոր ոսկոր , պառաւին համբե-
րութիւնը կը հատնի և չուզեր այլեւս սպասել :

— Գրետել , գնա ջուր բեր ինչ կ'ըլլայ , թող
ըլլայ , կ'ուզէ գիրցած ըլլայ կ'ուզէ նիհարցած ,
այլեւս վաղը եփեմ ուտեմ պիտի :

Գրետելը այնքան կը մտահոգուի, այնքան որ
ջուր բերած ատենը իր արցունքները կը հոսին այդ
ջուրին նման :

— Ողորմած Աստուած, դուն օգնութեան
համնիս մեզի, կը կանչէ խեղճ աղջիկը : Երանի թէ
անտառին մէջ զավանները բզգտէին մեղ, գոնէ ես և
եղայրս միասին կը մեռնէինք :

— Պարապ տեղը սիրտդ մի հատցներ, կ'ըսէ
պառաւը, փրկութիւն չի կայ այլեւս, որոշումս ու-
րոշում է, ուտեմ պիտի զայն :

Առառն կանուխ Գրետելը պէտք էր ելնէր,
պղինձը տեղաւորէր եռոտանիին վրայ, ջուր լեցնէր
պղնձին մէջ և կրակ վառէր տակը :

— Ամէնէն առաջ խմորը թրելու է, ես ար-
դէն ալիւրը շաղուած և վառած եմ փուրը, կ'ըսէ
պառաւը և խեղճ Գրետելը փուան առջեւ կեցնելով,
դէպի բոցավառ փուան բերանը կը հրէ զայն :

— Մտիր, կ'ըսէ, զնա տեսիր, փայտելը լաւ
շարուած են, լաւ կը վառին, խմորը զնտելու ժա-
մանակը եկած է թէ չէ :

Կ'ուղէ որ Գրետելը ծոփ դիտելու համար փր-
ռան մէջը որպէսպի անմիջապէս դէպի ներս հրէ զայն,
գոցէ կափարիչը և լաւ մը խորովելէ վերջ հանէ և
ուտէ :

— Չեմ գիտեր ներս մտնելուն ձեւը, ի՞նչպէս
ընելու է . . . :

— Այդչա՞ին ալչես գիտեր, յիմա՞ր, ըսելով կը
բարկանայ պառաւը և ներս մտնելու ձեւը սորվեց-
նել փորձելու համար կը մօտենայ փուան, գլուխը կը
մօտեցնէ անոր բերնին, նոյնիսկ ներս կը խոթէ գլու-

խը և կ'ուղղուի դէպի առաջ փորձով հասկցնելու հա-
մար աղջկան թէ շատ դիւրին է ներս մտնելը : Բայց
այդ միջոցին Գրետելը այնպէս մը կը հրէ պառաւին
ներս որ կախարդը բերանքս ի վար կ'իյնայ փուրին
մէջ, փոքրիկ աղջիկը անմիջապէս կը գոցէ կափարի-
չը և լաւ մը կամրացնէ ետեւէն :

Պառաւը կ'ունայ ներսէն, ի՞նչպէս կ'ունայ . . .
բայց Գրետելը կը վաղէ չենպելի քով, հաւնոցին
դուռը կը բանայ և կը պոռայ . . .

— Հենդել, Հենդել, ազատեցանք, լմնցաւ
չար պառաւը . . . :

Դուռը բացուելուն պէս, վանդակին մէջ բան-
տարկուած թուչունին նման դուրս կը ցատկէ չեն-
պել : Քոյր ու եղայր այնքան կ'ուրախանան այն-
քան որ իրարու վզի փաթթուած կը համբուրեն վի-
րար ու կը ցատկրտեն զուարթագին, յետոյ կ'եր-
թան կը մտնեն պառաւին տնակը և կը տեսնեն որ
այդ տնակը լեցուն է՝ թանկագին քարերով և մար-
գարխաներով լեցուած սնտուկներով :

— Ասոնք մեր տան առջեւի խճերէն աւելի
լաւ են կ'ըսէ չենպել ու գրպանները կը լեցնէ ու կը
լեցնէ անոնցմէ, իսկ Գրետելը կ'ըսէ . . .

— Ես ալ կ'ուղեմ բան մը տանիլ տուն, և
ան ալ կ'սկսի բերնէ բերան լեցնել իր գոգնոցը ալդ
թանկագին քարերով :

— Ալ երթանք, հեռանանք այս կախարդուած
անտառէն . . . կ'ըսեն իրարու քոյր ու եղայր :

Քիչ մը քալելէ վերջ կը հանին գետակ մը :

— Հիմա ի՞նչպէս պիտի անցնինք այս ջրէն կ'ըսէ
չենպել, ոչ անցք ունի ոչ ալ կամուրջ :

— Նաւակ մը ըլլար գոնէ , կ'առարկէ Գրետել :
Ահա ձերմակ բադ մը , թերեւս օգնէ մեղի և միւս
կողմը անցնէ , ըսելով կը կանչէ աղջնակը :

Բաղի՞կ , բադի՞կ , սիրուն ու վէս
որ կը սահիս երազի պէս
ջրին վրայ ականակիտ ,
փետուրներով փայլուն մարգրիտ :

Մի՛ պահեր հոտ եղէզին տակ
գլուխդ աղուոր ծիւնասպիտակ ,
լողա՛ , եկուր եկուր , դէպ մեղ ,
շոյենք , սիրենք նազանքը հեղ :

Եկուր , տո՛ւր մեղ գետին յանկոյս
շուարած ենք , անտէր անյոյս :
Դուն շատ աղնիւ ու բարի ես
խնդրանքներնիս կը կատարես :

Սիրտդ ալ հարկաւ փետուրիդ պէս
անբիծ է միշտ , բարի ու վէս :
մենք կախարդէն փրկուածներ
չի թափառինք անտուն անտէր :

Սարսա՛փ կտուց , մեղի եկուր ,
թաթիկներդ շարժէ ամուր ,
եկուր , ա՛ռ մեղ , ու աղատէ
չար փորձանքէ մութ անտուէ :

Բադը կը մօտենայ գետափը , չենզելը կը նըս-
տի բադին մէջքը և քոյրն ալ կը հրաւիրէ քովը որ
դայ նստի բադին գաւակը :

— Զէ՛ , կը պատաժսանէ Գրետել , բադը չի
կրնար տանիլ երկուքիս ծանրութիւնը , թող զատ զատ
տանի մեղ :

Բարի թռչունը կը կատարէ տղոց կամքը և եր-
կուքն ալ մէկիկ մէկիկ կը տանի գետին միւս ափը :



Զուրը անցնելէն յետոյ բաւական քալելէ վերջ
անտառը հետզիետէ ծանօթ կ'երեւայ իրենց ու վեր-
ջապէս կը նշմարեն իրենց հօրենական տունը : Բայց
հազիւ տեսած իրենց սիրելի օճախը կ'սկսին վազել
կրցածնուն չափ և տունէն ներս մտնելով կը փաթ-
թուին իրենց հօր վզին ու ջերմ համբուրներով և քաղ-
ցրիկ շունչերով կ'ողողին զայն :

Տղոց բացակայութեան ատեն հանգիստ ժամ մը
չէր ունեցած հայրը , իսկ խորթ մայրը մեռեր էր ար-
դէն :

Գրետելը գոգնոցը բանալով հօրը առջեւ կը
թափէ բերած մարզարիտներն ու թանկազին քարերը ,
անպէս որ ամբողջ տան գետինը կը լեցուի հարստու-
թիւնով , միւս կողմէն ալ չենզելը բուռ բուռ գրապ-
նէն հանելով հոն գետինը կը լեցնէ իրեն բերածները :

Տունը կը հարստանայ , տունը կը պայծառանայ , սուգն ու հոգը կը փարատին , թշուառութեան և տիրութեան հովը կը փախչի և երջանկութեան արեւը կը ցաթէ տանը վրայ :

Հայր ու զաւակներ կ'սկսին ապրիլ ուրախ անհոգ և երջանիկ :



ԱՆՏԱՌԻՆ ՏՆԱԿԸ

Խոր անտառի մը եղերքը խրճիթ մը կ'ըլլայ , այդ խրճիթին մէջ կ'ապրի աղքատ փայտահատ մը իր կնոջ և երեք աղջիկներուն հետ :

Առտու մը , անտառը փայտ կտրել երթալու ատեն փայտահարը կը պատուիրէ կնոջը որ կէս օրուան ձաշը դրկէ մեծ աղջկան հետ :

— Բաւական հեռու է այսօրուան տեղս , լաւ է որ ես հոն մնամ և ճաշ դրկես : Ես հետս պարկով կորեկ առնելով կը ցանեմ անցած ճամբաններուս վրայ որպէսզի աղջիկը այդ կորեկներուն ուղղութիւնով գայ գտնէ զիս :

Կը համաձայնին , փայտահատը կ'երթայ իր գործին : Կէսօրուան մօտ մեծ աղջիկը կերակուրը առնելով ճամբայ կ'ենէ : Դժբաղդաբար սակայն , ծիտերը արտուտներն ու սարեակները կերեր հատցուցեր են հօրը ցանած կորեկները , որով աղջիկը կը կորսնցնէ ճամբան : Կ'երթայ , կ'երթայ , հետզհետէ աւելի կը մոլորի , ամէն կողմ՝ խիտ ծառեր , անծանօթ տեղեր : Կը մթնէ , բուերն և գիշերահաւերը լեզու կ'ենեն և խեղճ աղջիկը կ'սկսի փախնոտ :

Թուփերն ու ճիւղերը ճղելով գացած միջոցին հեռուէն՝ վասուած կրակի մը լոյսը նշմարելով կ'ուղղուի անոր կողմը :

— Քանի որ կրակ կը վառի , ուրեմն մարդիկ կ'ապրին հոն , կ'երթամ գեշերը կ'անցնեմ ապահով , իսկ առտուանց՝ Տէրն ողորմած է :

Կ'ըսէ, կ'երթայ կը հասնի տնակի մը քով և կը պարնէ դուռը:

Դուռը կը բացուի, աղջիկը ներս մտնելով կը տեսնէ ծերունի մը նատած՝ գլուխը կախ, ճերմակ մօրուքը մինչեւ գետին։ իսկ քիչ մը անդին գէր կով մը, փայլուն փետուրներով հաւ մը և գեղեցիկ աք-լոր մը։

Աղջիկը ծերունիին կը պատմէ թէ ինչպէս կորսնցուցած է ճամբան, ու մոլորած՝ անտառին մէջ, և կը խնդրէ որ գիշերուան տեղ մը տայ իրեն։

Ծերունին իր կենդանիներուն դիմելով կը հարցնէ.

Հաւի՛կ, փայլուն փետուրով
եւ սիրական նաշխուն կով,
ա՞քլոր, ձայնով քաջոլոր,
ի՞նչ պատասխան տանք ասոր։

Կենդանիները կը պատասխանեն միասին. —
Լաւ, կընդունինք։

Այն ատեն ծերունին կ'ըսէ աղջկան.

— Հրամմէ, մեր աչքին վրայ տեղ ունիս, սի-
րուն աղջիկ, մեր դուռը բաց է և տունը՝ լեցուն։
Հրամմէ մօտեցիր կրակին և քեզի համար պատրաստէ
ինչ կերակուր որ կ'ուզես։

Աղջիկը խոհանոց մտնելով ամէն բան կը գտնէ
հոն առատ-առատ։ Լաւ ընթրիք կը պատրաստէ, սե-
ղանը կը սարքէ, ծերունին կը հրամցնէ, և երկուքը
միասին կ'ուտեն, կը խմեն և կը կշտանան։ Յետոյ
սեղանը կը հաւաքէ, կը մաքրէ և կուշտ ու կուռ
կ'ուզէ քնանալ։

— Յովնած եմ բոլորովին, քունը կը վաղէ
աչքերէս, տեղ մը ցոյց տուէք որ քնանամ, կը
խնդրէ աղջիկը ծերունիէն։

Կովը, հաւն ու աքլորը լսելով աղջկան այս
խօսքերը կը պատասխանեն անոր.

Լաւ մը կերար, ու կուշտ ես,
չը յիշեցիր բընաւ մեղ.
զընա՛, պառկէ՛, ուր կ'ուզես,
ալ պէտք չունինք հոգալ քեզ։

Այն ատեն ծերունին կ'ըսէ աղջկան.

— Վեր ելիր, սանդուխին գլուխը սենեակ մը
կայ, այդ սենեակին մէջ երկու անկողին կայ, պատ-
րաստէ անկողինները, յետոյ ես ալ կու գամ ու
կը քնանանք։

Աղջիկը վեր կ'ելնէ, անկողինը կը ձգէ և ա-
ռանց ծերունիին սպասելու կը պառկի ու կը քնա-
նայ։ Քիչ մը վերջ ծերունին կու գայ, մոմի մը լոյ-
սով կը նայի աղջկան ու կ'երեցնէ իր գլուխը խոր-
հորդաւոր կերպով։ Գիշերը, աղջկան խորունկ քնա-
ցած պահուն կու գայ, մահճակալին տակի գաղտնի
դուռը կը բանայ, և աղջիկը վար ձգելէ վերջ նորէն
կը գոցէ դուռը։

Փայտահատը տուն գալով իրիկունը, կը բար-
կանայ կնոջը, որ ամբողջ օրը անօթի է թողած դին-
քը։

— Ես ի՞նչ ընեմ, կը պատասխանէ կինը, ճա-
շը յանձնեցի մեր մեծ աղջկան և ճամբու զրի զայն՝
պատուէրիդ համաձայն, կ'երեւի թէ չէ գտեր ճամ-
բան և ինքն ալ մոլորեր, քանի որ մէջտեղ չէ ելած
տակաւին։

Փայտահատը կնոջը կը պատուիրէ որ այս ան-
գամ միջին աղջկան հետ զրկէ ճաշը։

— Այսօր սապ պիտի տանիմ հետո՝ ցանելու
համար ճամբաներուն վրայ։ Ոսպը կորեկէն խոշոր է

վերջապէս, աղջիկը աւելի դիւրին պիտի տեսնէ
և պիտի չկորսնցնէ ճամբան:

Կէս օրուան մօս միջին աղջիկը ճաշը առնելով
ճամբայ կ'ենէ դէպի անտառ, գժրաղզաբար թոշուն-
ները մէկ ոսպ իսկ չէին ձգեր ճամբաներուն վրայ,
կ'երեր են բոլորն ալ:

Միջակ քոյրն ալ մեծին պէս կը վարուի և կը
փակուի ներքնայարկի մը մէջ:

Երրորդ առտուն փայտահատը կը պատուիրէ
երրորդ աղջկան հետ զրկել ճաշը, խորհերով որ ամէ-
նէն ճարպիկն է ան: Մայրը կ'սկսի լալ, չուզեր ան-
տառ զրկել իր երրորդ աղջիկը:

— Հոգ մի ըներ դուն, կ'ըսէ փայտահատը, այ-
սօր սիսեռ պիտի ցանեմ գացած ատենս՝ անցած ճամ-
բաներուս վրայ, սիսեռը ոսպէն շատ խոշոր և աչ-
քի զարնող է, անպատճառ կը գտնէ ճամբան այս
ճարպիկ սղջիկնիս:

Աղջիկը ճաշը առած ճամբայ կ'ենէ, սիսեռ կը
փնտուէ բայց չի գտներ բնաւ. ագռաւները կ'երեր
էին բոլորը:

Շատ թափառելէ վերջը, հեռուէն կը նշմարէ
խոշոր տնակ մը, հոն կ'երթայ, ներս կը մտնէ տնա-
կէն և տեղ կը խնդրէ հոն նստող ծերունիէն: Ծերու-
նին նորէն կը դիմէ իր կենդանիներուն.

Հաւիկ, փայլուն փետուրով
և սիրական նաշխուն կով,
աքլոր, ձայնով քաջոլոր,
ի՞նչ պատասխան տանք ասոր:

— Լաւ... կը պատասխանեն կենդանիները:
Սյն ատեն աղջիկը մօտենալով կը սիրէ հաւն ու աք-
լորը, կը շոյէ կովուն ճակատը: Ծերունիին պատուե-

լով ճաշ կը պատրաստէ, կը դնէ սեղանին վրայ մա-
քուր և կանոնաւոր կերպով:

Կ'երթայ կուտ կը բերէ, կը լեցնէ հաւուն և
աքլորին առջեւ, յետոյ գիրկ մ'ալ խոտ՝ կովուն:

— Կերէք, իմ սիրելի կենդանիներս, կ'շտա-
ցէք որ երթամ ջուր ալ բերեմ ձեզի: Եւ կ'երթայ
դոյլով ջուր կը բերէ կը դնէ կենդանիներուն առջեր,
ինքն ալ կը ճաշէ, ինչ որ իրեն թողեր էր ծերունին:

Սեղանը ժողուելէ վերջ, կը հարցնէ աղջիկը,
թէ արդեօք ժամանակը չէ եկած որ ամէնքս ալ պառ-
կինք և հանգստանանք:

Կենդանիները կը պատասխանեն աղջկան.

Կերակուրը կ'երած ես,
մենք ալ կուշտ ենք քեզի պէս,
զի այդ սրտովը բարի,
մեզ ալ տուիր կ'եր, գարի:

Չը թողուցիր մեզ քաղցած,
թող բարի տայ քեզ Աստուած:
Գիշե՛ր բարի, սիրտ ապնիւ,
բաղդէն գտնես փառք պատիւ:

Աղջիկը վեր կ'ենէ, անկողինը կը պատրաստէ:
Ծերունին կու գայ կը քնանայ: Ինքն ալ միւս մահ-
ճակալին մէջ:

Գիշերուան մէջ տունը կը դղրդի յանկարծ,
ժամէն ցնցուածի պէս: Աղջիկը կ'արթննայ սարսա-
փէն բայց աղմուկը կը դաղրի և նորէն կը տանի
քունը:

Առաւօտուն աչքը կը բանայ—ի՞նչ տեսնէ: Կը
տեսնէ որ պառկած է մեծ, շքեզօրէն զարդարուած
սրահի մը մէջ. շուրջը ամբողջ թաւիշ և ոսկի. տաք
երկիրներու բոյսեր և ծաղիկներ իրենց վառ գոյնե-
րով ու բոյրերով կը ժպտին իրեն: Կը նայի, կը նայի,

Հի հաւատար աչքերուն, երազի մէջ կը կարծէ ինք-
զինքը : Հիացումի այս պահուն ճոխ հագուստներ հա-
գած երեք ծառաներ, որոնք խոնարհելով իր դիմացը
կը հարցնեն.

— Ի՞նչ հրաման կ'ընէք, տիրուհի :

— Լաւ, լաւ, գացէք կ'ըսէ աղջիկը, հիմա
կ'ելնեմ, ծերունիին համար ճաշ կը պատրաստեմ և
կը հոգամ կովը, աքլորն ու հաւը :

Կը կարծէ թէ ծերունին արթնցեր ելեր է ար-
դէն : Կը նայի անկողնին՝ ծերունին չկայ, անոր տեղ
պառկած է ուրիշ, գեռատի գեղեցիկ երիտասարդ մը...

Եւ ահա երիտասարդը արթննալով այսպէս կը
խօսի աղջկան հետ.

— Մտիկ ըրէ՛, սիրուն աղջիկ : Ես այս երկրի
թագաւորին որդին եմ : Զար վհուկը զիս կախարդե-
լով ծերի կերպարանք տուած էր ինծի և դատապար-
տած որ ապրիմ՝ կովի հաւի և աքլորի փոխուած ե-
րեք ծառաներուս հետ, պայտաս ալ տնակի էր վե-
րածուած : Եւ այդ զրութեան մէջ պիտի մնայի մին-
չեւ որ հանդիպէր ինծի այն բարի աղջիկը, այն քըն-
քուշ սիրու որ ոչ միայն մարդոց այլ նոյնիսկ կեն-
դանիներուն հանդէպ ըլլար կարեկցող...

Քու նորինւդ այս գիշեր, ազատեցանք կա-
խարդանքէ ես ու երեք ծառաներս, և անտառի տը-
նակի վերածուած պայտաս նորէն առաւ իր առաջ-
ուան վիճակը :

Թագաւորին տղան հրաման կ'ընէ իր ծառա-
ներուն որ երթան հարմնիքի հրաւիրեն աղջկանձնողքը:

— Հապա քոյրե՞րս, ուրտե՞ղ են անոնք, կը
հարցնէ աղջիկը :

— Ես բանտարկած եմ զանոնք ներքնայարկին
մէջ: Վաղը կը դրկեմ անտառ, այնտեղ պէտք է մնան
ածխարարին քով այնքան ատեն, մինչեւ որ սոր-
վին բարի ըլլալ և մտածել կենդանիներուն մասին ալ :

ՄԵՍՈՊԵԱՆ

ԱԶԳԱՅԻՆ ՃԵՄԱՐԱՆ

ՀԻՄՆՈՒԱԾ 1922

ՍՕՖԻԱ.—ՊՈԽՎԱՐԻԱ.



Ամբողջ պալքաններու մէջ միակ գրչերօթիկ
հայ երկրորդական վարժարանն է, որ մասնաւորա-
բար այս տարի ազգային սեփականութիւն գտննալով
կը կառավարուի յատուկ ինսամակալութեամբ:

ՃԵՄԱՐԱՆԸ հաստատուել Սօֆիայի մօտ
Բավկովո արուարձանին մէջ, ունի հիանալի օդ, գիշե-
րօթիկներու համար ամէն հանգստաւէտ պայման-
ներ, առատ մնունդ, մայրական խնամք, ծայրայեղ
մաքրութիւն և հայեցի ու ընդհանուր կրթութիւն:

Արձանագրութիւնները կ'սկսին ՄԱՅԻՍԻՆ:

ՏԱՐԵԹՈՇԱԿ — լէվո 12000, վճարելի և մաս-
նավճարով:

Արձանագրութեան, տղայոց և դրամի փոխադ-
րութեան համար ամէն գիւրութիւն կը տրուի Պուք-
ըէշի Օժանդակ խնամակալութեան կողմէ.

B-dulMaria No. 8 București



ՀՀ Ազգային գրադարան
NL0224583

“ՄԱՍԻՄ”

ՊՈՒՄԱՆԱՀԱՅ ՀՐԱՏԱՐԱԿՉՈՒՅԱՆ ԱՆԱՆՈՒՆ ԸՆԿԵՐՈՒԹԻՒՆ՝

ԴՐԱՄԱԳԼՈՒԽ ԼԵՅ 500,000

Պուրբէլ, B-dul Maria, Nr. 8

Ընկերութիւնս ամէն ամսու 15-ին և 30-ին հրապարակ կը հանէ մէլ, մէկ գիրք 32 էջէ բաղկացեալ:

ՀԱՅԱ ՏԵՍԱՌ Է

- 1) Տէրն ու ծառան եւ ուրիշ պատմուածքներ
- 2) Սասունցի Դաւիթ
- 3) Մրջիւնները
- 4) Լուսեկերսն ու Վարդերեսը եւ Սագարած Աղջիկը
- 5) Ուրախ Հնակարկատը եւ Ոսկիէ Աղջիկը
- 6) Մօրը համար
- 7) Իշու մը յիշառ գարանը
- 8) Արեգնազու լուլ

ՄԱՅՈՒԼԻ ՃՈՎ ԵՆ

- Տորք Անգեղ
- Առիւծի Տղան
- Ուէյնիկէ Աղուէսը
- Գրիմ եղբայրներու հէքեաթները ևն, ևն.

ՔԱՂՈՒԱԾՆԵՐ ԸՆԿԵՐՈՒԹԵԱՆ ՀԻՄՆԱԿԱՆ ԿԱՆՈՆԱԳՐԵՆ

Յօդ. 7.— Հրատարակել հայ տլոց և պատոնիներու համար հայերէն գասագրքեր, գրական գործեր և հանդէսներ. տարածել հայ հասարակութեան խաւերուն մէջ արևմտեան մշտկոյթը, ինչպէս նաև ծանօթացնել օտարներուն հայ մշակոյթը:

Հաստատել յատուկ մրցանակ՝ ընկերութեան շահին մէկ մասովը, քաջալերելու համար արժէքաւոր գրական գործերը: